

CANTIVM.

AD Cantium nunc perveni, quam regionem licet GVILIELMVS LAMBAR-
DVS, vir insigni eruditione, & moribus sanctissimis ornatissimus, adeo graphi-
ce justo volumine descripserit, ut curiosa ejus felicitas paucula aliis reliquerit; pro
suscepti tamen operis ratione, eam quoque percurram, & ne sublesta, ut inquit
Comicus, fide me agere quis existimet, eum mihi fundum & fontem fuisse libens
merito hic agnosco.

Cantion
corrupte
apud Dio-
dorum Si-
culum.

* Vnde
Canton in
arte He-
raldica
pro angu-
lo, & Hel-
vetiorum
pagi Can-
tones, qua-
si anguli à
Gallis di-
cti.

Nomine antiquo nondum tempus hanc regionem spoliavit, sed ut Casari, Straboni, Diodoro
Siculo, Ptolemæo, & reliquis CANTIVM dictum fuerit, sic Saxonibus, teste Ninnio,
CANTIVM, id est, Regio virorum Cantium incolentium, & nobis Kent. Hoc nomen à
Cainc, quæ Britannis frondem sonat, quia olim sylvis opaca fuerit, deducit Lambardus. Ego
vero (si conjecturam interponere liceat) cum ingenti angulo in ortum hic Britanniam excurrere
viderim, observarimque ejusmodi angulum in Scotia Cantir dici, incolas item alterius anguli,
in ea parte insula Cantas Ptolemæo vocari, Canganos etiam in Vallia alterum angulum tenuisse
(ut taceam Cantabros, qui angulum etiam inter Celtiberos infederunt) qui ut unius originis,
unius ita lingua, cum nostris Britannis fuere; conjectarim à situ nomen inditum, eoque magis,
tum quod Galli nostri, * Canton pro angulo usurparint, & à veteri (ut probabile est) Gallo-
rum lingua; non enim è Germanica, vel Latina est, quæ cum illa vetusta, hujus recentioris
Gallici idiomatis sunt matrices: tum quod Angulus hic ager à veteribus omnibus Geographis di-
catur. Grandi etenim angulo Galliam prospectat, Tamisis estuario, & Oceano omni ex parte
circumfusus, nisi qua ad occidentem Solem Surreiam conterminam habet, & Southsexia partem
ad Meridiem.

KENT.

HÆC regio quam nunc Kent
vocamus est inæqualis, ad oc-
casum planior, & sylvis um-
brosa, ad ortum collibus mol-
liter surgentibus excelsior. In-
colæ, qua à Tamisi ad Au-
strum patet, in tres areas, sive
portiones (Gradus vocant) distinguunt, quarum
superiorem ad Tamisin salubrem, sed minus opu-
lentam esse ferunt, mediam, & salubrem, & opu-
lentam: inferiorem vero opulentam, sed in salu-
brem, * utpote quæ magna ex parte est uligino-
sa, sed luxurianti gramine lætissima. Pratis tamen,
pascuis, arvisque ubique fere læta, pomis ad mi-
raculum abundans, nec non cerasis, quæ anno à
Roma condita DCLXXX in Italiam è Ponto
devecta, & vicesimo supra centesimum post an-
no in Britanniam translata, foelicissime hic pro-
veniunt, multumque agri occupant, arboribus
in quincuncem, jucundissimo spectaculo dire-
ctis. Villas, & oppida habet frequentissima, sta-
tiones satis tutas, ferri venas nonnullas, sed æ-
rem crassiusculum ob halitus ex aquis evaporan-
tes. Incolis ea humanitatis laus, quam tantam in Cantia-
nis fuisse Monachus quidam scripserit, ut in pro-
vinciæ, exercitus frons illis tanquam triariis, me-
rito inter Anglos debeatur. Quod etiam com-
probat in suo Polycratice Ioannes Sarisburi-
ensis, Ob egregie, inquit virtutis meritum, quam potenter, &
patienter contra Danos exercuit Cantium nostrum, prima
cohortis honorem, & primos congressus hostium usque in
hodiernum diem in omnibus praeliis obtinet. Quorum et-
iam in laudem scripsit Malmesburiensis, Gens ru-

* Rumney
Marth.

Plin. lib.
15. c. 25.
Cerasa in
Britanni-
am tranf-
lata circa
annum
Christi
43.

Militaris
Cantiano-
rum vir-
tus.

stica, & urbana Cantii, plusquam ceteri Angli, antiqua no-
bilitatis conscientiam adhuc spirat, & ad honorificentiam,
& hospitium cujuslibet pronior, & ad pulsandas injurias
serior.

Cæsar, (ut paucula præfari liceat priusquam ad
loca accedam) cum primum insulam nostram
aggrederetur, in hac regione terram conscen-
dit, navibusque egredi à Britannis Cantianis
prohibitus, littore non sine gravi pugna potitus
est. Cum secundo etiam nos adiret, hic exer-
citus exposuit, Britannique cum equitatu &
essedis ad Sturum flumen animose exceperunt,
sed à Romanis cito repulsi se in sylvas subduxe-
runt. Inde cum equitatu Romano acriter prælio
in itinere conflixerunt, ita tamen ut Romani
omnibus partibus superiores fuerint, ac inter-
misso spatio rursus in Rom. impetum fecerunt,
per medios audacissime perupperunt, interfecto-
que Laberio Duro, militum Tribuno, incolum-
es se receperunt, posteroque die ad pabulato-
res advolarunt, &c. quæ superius è Cæsare per-
strinxi. Quo tempore Cantio præfuerunt Cyn-
getorix, Carvilius, Taximagulus & Segonax,
quos ille, ut reges devicisse videatur, Reges vo-
cat, cum tantum reguli fuerint, vel melioris no-
tæ nobiles. Constabilito Romanorum Imperio,
sub Præsede Britannia Primæ censebatur. Ora
vero maritima, quam LITTVS SAXONICVM
dixerunt, uti etiam littus oppositum à Rheno ad
Xanctones, præfectum habuit à Dioclesiani tem-
pore, quem Marcellinus Tractus maritimi Comitum,
Notitiarum liber Spectabilem virum littoris Saxonici
Comitem per Britanniam vocat, cujus munus erat,
præfidiis ad littus per opportuna loca dispositis,
barbarorum, sed inprimis Saxonum qui graviter
Bri-

Iulius Cæ-
sar.

Comes
littoris
Saxonici.

Liber No-
titiarum.